

北京圖書館 編

北京圖書館藏珍本
年譜叢刊

第 47 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 47 冊



第四十七冊目錄

吳疎山先生年譜·····	一
王一庵先生年譜紀略·····	二四七
譚次川自訂年譜·····	二五三
明唐荆川先生年譜卷首至卷四·····	三四七

扁鵲內告生諸像



扁鵲內告生諸像

遺像

像贊

吳疎山先生像贊

嘉靖間余與吳公並官御史公席珍東山垂二十年
避權相也一時節義道術海內山斗分宜罷始以舊
德拜卿南回會余攬轡江淮乃得聚樂於滁水之上
相與析天人談格致以及未發之中殆將浹旬見公
之識甚大得甚深益信公爲名世之大賢矣茲覩遺
像能不泫然嗟嗟聖途蓁蕪格物長夜安得更如公
者共爲斯道倡耶遂再拜贊曰

於維哲人赫赫義皇白鹿切磋聖經表章卷舒世範

謀猷王匡身逢廊廟業嘆虞唐瞻彼旰食河洛興長
太子少保吏部尚書在亡同志友人鎬京孫丕揚頓

首拜題

藹然其溫端然其凝如金如玉盛德之形惠政澤民
嘉言祚國赫赫無斲肫肫造福爲良有司爲名御史
晚爲名卿鴻冥鵲起冥非絕俗忤權以貞起非干澤
清望孚騰汲直發倉富鄭活青古今媲美罕公其人
欲論公世當探公養主靜爲宗九淵是仰仁敷春煦
紀肅霜飛作致情孚厥有端倪余步後塵欽公芳趾

與公同朝稔公素履睹公遺像儼公生平泰山北斗
後學其程

大學士常熟後學嚴訥頓首拜題

氣和以粹貌溫而恭體至健於慎獨任履道之從容
完太樸於涉世唯養性之恬冲信六經兮註我淵乎
實踐於厥躬懼浮文兮汰質肫乎先進之是從巖巖
砥柱穆穆清風斯其接育田之正脉共推媲美道之
懿蹤

刑部尚書新建後學魏時亮頓首拜題

廓廓落落無染無着熙怡怡撤彼藩籬樂義皇之
太始紹孔孟之宗枝世方病以支離行實炳乎蒼龜
痛天運之未齊胡爲乎而遽歸嗚呼已而已而吾爲
道而增悲

刑部尚書臨川後學舒化頓首拜題




明史列傳

吳悌字思誠金谿人嘉靖進士除樂安知縣調繁宜城徵授御史十六年應天府進試錄考官評語失書名諸生答策多譏時政帝怒逮考官下法司停舉子會試悌爲舉子求寬坐下詔獄尋得釋出視兩淮鹽政海溢沒通泰民廬悌先漕賑之而後奏聞尋引疾歸還朝按河南伊王典橫驕橫憚悌遣書稱爲友悌報曰殿下天子親藩非悌所敢友悌天子憲臣非殿下所得友王愈憚之夏言嚴嵩當國與悌鄉里嘗謁

言衆見言新服宮袍競前譽之悌却立不進言問故
徐曰俟談少間當以政請言爲改容及嵩擅政悌惡
之引疾家居垂二十年嵩敗起故官一歲中累遷至
南京大理卿時吳嶽胡松毛愷並以耆俊爲卿貳與
悌稱南都四君子隆慶元年就遷刑部侍郎明年卒
悌爲王守仁學然清修果介反躬自得爲多萬厯中
子仁度請恤吏部尚書孫丕揚疏稱悌理學名臣不
宜循常格遂用黃孔昭例贈禮部尚書諡文莊鄉人
建祠與陸九淵吳澄吳與弼陳九川並祀曰五賢祠

學者稱疎山先生



本傳

先生姓吳氏名惲字思誠撫州金谿人其先五代時自蜀徙南豐又自南豐徙疎山之陽疎山孤竦蒼鬱下帶盱江肝流舊繞楊州村忽折十里而環抱疎山識者覘知有異人出其間矣時先生生幼卽奇挺讀書目數行下而性故凝重不好弄甫十歲夢伏羲授以易學神情洞然元朗講說經義不墮蹊徑文字之障名家先輩聞之多擊節稱賞稍長爲邑諸生爲文恥剽飾餽飮以逐時好間從鄉先生聞象山先生之

學遂忻忻鄉往焉故其學以主靜先立其大爲本往來白鹿書院與四方名士相劇切久之益大有得歸道鄱湖疾風撼舟神色自若嘗讀書疎山寺寺最上有一覽亭清曠絕俗先生時馮高遠眺翛然自適或扃門危坐終日聞如人莫窺其際也嘉靖辛卯舉于鄉明年第進士授山東樂安令以才調宣城在樂安拊循惇至行時老穉遮卧車不得前涖宣城適驕陽用事先生步禱唯虔澍雨霑洽晝境而止明歲復苦蝗請賑所司不報先生竟發廩賑民曰吾奈何不以

一官易萬姓命也時寧國守黷貨漁民一日以歲額輸于郡主者輕重其手索增贏餘先生曰已有守晚視曰未也先生曰令正視故有守邪視故無守默然故寧國屬令踐登三事守謀諸先生欲樹碑頌德先生廉其無狀抗議不可且曰凶禍所加令自當之其不肯媵媚媚世也如此撫臣某夙銜先生邑有逋負厯數令弗能徵爲墜牘已當先生秩滿厲詞檄先生以齟齬之宣父老重德先生爭捐貲代償已又借丁弓六事侵先生先生具文曰士可殺不可辱進唯命

退唯命卒莫能難尋被召入都宣民雪涕送之如失
慈母入謁執政不藉手一幣唯贊以天文圖一時謹
然曰吳天文云丁酉授廣西道御史首請專職掌以
振風紀語具奏議中會上震怒南畿主試諸臣且欲
罷諸士制對先生抗疏申救下詔獄上怒解出先生
仍可其奏諸士賜甲第者甚衆亡幾何奉命督鹺兩
淮值海潮驟漲大浸稽天先生特疏于朝請畱六萬
緡以蘇商竈運艘適至先生不俟請便宜給散以哺
災民旋括公帑糴補公私兩濟焉獻皇后梓宮南附